

Ռ. Գ. Սահակյան

ԵՐԿՐՈՐԴ ՀԱՄԱՇԽԱՐՀԱՅԻՆ ՊԱՏԵՐԱԶՄԻ ՏԱՐԻՆԵՐԻ
ՍՈՎԵՏԱ-ԹՈՒՐԲԱԿԱՆ ՀԱՐԱԲԵՐՈՒԹՅՈՒՆՆԵՐԻ ՆԵՆԳԱՓՈՒՈՒՄԸ
ԺԱՄԱՆԱԿԱԿԻՑ ԹՈՒՐԲ ՊԱՏՄԱԳՐՈՒԹՅԱՆ ԱԵՋ

Հետպատերազմյան տարիներին թուրք պատմաբանների ու քաղաքական գործիչների հրատարակած բազմաթիվ աշխատություններում, պատմության դասագրքերում ու մեմուարային բնույթի գրականության մեջ մեծ տեղ է հատկացված հրկրորդ համաշխարհային պատերազմի տարիներին Թուրքիայի վարած արտաքին քաղաքականության հարցերին, որոնք քննարկվում են գերազանցապես սովետա-թուրքական հարաբերությունների տեսանկյունից¹։ Թուրք հեղինակների հետապնդած հիմնական նպատակն է «ապացուցել», թե Թուրքիան հրկրորդ համաշխարհային պատերազմի ամբողջ ժամանակաշրջանում՝ ինչպես 1939—1941 թթ., այնպես էլ ՍՍՌՄ-ի վրա ֆաշիստական Գերմանիայի ուխտադրուժ հարձակումից ընդհուպ մինչև Հայրենական Մեծ պատերազմի վերջը Սովետական Միության նկատմամբ վարել է միանգամայն լույս, անկեղծ քաղաքականություն և մինչև վերջը հավատարիմ է մնացել իր կողմից ստանձնած պայմանագրային պարտավորություններին։ Դեռ ավելին, թուրք պատմաբանները պնդում են, որ պատերազմի տարիներին Թուրքիայի գրաված «չեզոք» դիրքը մեծապես օգնել է Սովետական Միությանը և նպաստել Հայրենական Մեծ պատերազմում սրա ձեռք բերած համաշխարհային պատմական հաղթանակին։ Այսպես, թուրք պատմաբան Յահյա Օկչուն «Թուրքոսական պատերազմների պատմությունը» խորագիրը կրող գրքում հատուկ պաշտ է հատկացրել «Ռուսական հաղթանակին և Բուրժուազիայի ցույց տված օգնությանը» (ընդգծումը մերն է—Ռ. Ս.)։ Հակասովետական ոգով գրված և մինչև վերջը հակագիտական այս աշխատության մեջ հեղինակը պատմական իրականության խեղաթյուրումը հասցրել է այն աստիճանի, որ 2-րդ համաշխարհային պատերազմը համարում է ոչ ավելի, ոչ պակաս, քան «բոլշևիկյան զեկավարների ստեղծագործություն» և պնդում, թե նրանք «լուրջ և իսկական խաղաղություն հաստատելու նպատակ չունեին» և այդ պատճառով «խաղաղությանը անկեղծորեն ձգտող» Արևմուտքի հետ ճակատ չկազմեցին²։

Թուրք հեղինակների աշխատություններում խեղաթյուրվում են 1939 թ. սեպտեմբեր-հոկտեմբեր ամիսներին Մոսկվայում տեղի ունեցած սովետա-թուրքական բանակցությունները։ Դրանց ձախողման մեղքը թուրք պատմաբանները փորձում են բարդել Սովետական Միության վրա², միաբերան աղմը-

¹ Y a h y a O k ç u, Türk-Rus mücadelesi tarihi. Ankara, 1949, s. 197.

² Տե՛ս Y a h y a O k ç u, s. 189; Prof. Dr. Coşkun Uçok, Siyasî tarih dersleri, Ankara, 1957, s. 377; Dr. Ahmet Şükrü Esmer, Siyasî Tarih (1919—1939), Ankara, 1953, s. 255; A. Halûk Ülman, Türk-Sovyet münasebetleri (1923—1960), „Forum“, 15 Ağustos 1960, sayı 153, s. 10; Tahsin Ünal, 1700 den 1958e kadar Türk siyasî tarih. Ankara, 1958, s. 297; Prof. Enver Ziya Karal, Türkiye Cumhuriyeti tarihi (1918—1953). İstanbul, 1958, s. 211.

կելով այն մասին, թե 1939 թ. Մոսկվայի բանակցությունների ժամանակ Սովետական կառավարությունը ձգտում էր վերադառնալ նեղուցների հարցում ցարիզմի վարած իմպերիալիստական քաղաքականությանը, նեղուցների վրա հսկողություն հաստատել և այլն: «Սարաջոզլուի ուղևորությունը,— գրում է Քըլլըջը,— ականքն դարձրեց, որ ՍՍՌՄ-ը մտադիր չէր բարի կամքի վրա հիմնված համաձայնագիր ստորագրել»³:

Ուրիշները (պրոֆ. էսմեր, պրոֆեսոր Ուլուկ, Մյուլբերքեմ Քյամիլ Սուլթանփաթ) Սովետական Միությանը մեղադրում են երկդիմի քաղաքականության մեջ, մինչդեռ Թուրքիան, նրանց կարծիքով, Մոսկվայի բանակցությունների ժամանակ շիտակ և անկեղծ առաջարկներով հանդես եկավ:

Այժմ տեսնենք, թե իրականում ինչպե՞ս են ընթացել 1939 թ. սովետա-թուրքական բանակցությունները, ի՞նչ նպատակներ էին հետապնդում բանակցող կողմերը:

Ինչպես հայտնի է, 1939 թ. մարտին Մոսկվայում սկսված անգլո-ֆրանս-սովետական բանակցությունների ժամանակ ակնհայտ դարձավ Անգլիայի և Ֆրանսիայի իմպերիալիստական շրջանների մտադրությունը՝ հասկացնել ֆաշիստական Գերմանիային, որ իրենք ամենևին էլ չեն պատրաստվում ռազմական դաշինք կնքել ՍՍՌՄ-ի հետ: Լոնդոնում դերմանական դեսպան Դիրքսենը իր կառավարությանը ներկայացրած զաղտնի զեկուցագրում հաղորդում էր, որ արևմտյան տերությունների կողմից այդ բանակցությունները նպատակ ունեն «որոշել Սովետական Բանակի մարտունակությունը» և ոչ թե օպերատիվ համաձայնագրեր կնքել⁴:

Սովետական կառավարությունը հսկայական եռանդ դորձադրեց, որպեսզի արևմտյան տերությունները և առաջին հերթին Անգլիան ու Ֆրանսիան մասնակցեն հիտլերյան ագրեսիայի դեմ բոլոր ջանքերի միավորմանը: Սակայն վերջիններս, իրենց հակասովետական ձգտումներով տարված, ընդհակառակը, նպաստեցին գերմանական ֆաշիզմի իմպերիալիստական պլաններին՝ դիտավորյալ կերպով ձախողելով 1939 թ. մարտ-հուլիս ամիսների Մոսկվայի բանակցությունները:

Ինչպես նշվում է «Պատմության կեղծարարները» պատմական տեղեկանքում, «Անգլիան ու Ֆրանսիան ԱՄՆ-ի կառավարող շրջանների պաշտպանությամբ, 1939 թ. դարձան ու ամուսն ճակատագրական ժամանակաշրջանում, երբ պատերազմը կանգնել էր դուռն շեմքին, շարունակում էին իրենց քաղաքական նախկին գիծը: Դա հիտլերյան Գերմանիային պրովոկացիոն կերպով Սովետական Միության դեմ լարելու քաղաքականություն էր, որ խաբուսիկաբար բողբոջված էր ոչ միայն Սովետական Միության հետ համագործակցելու փարիսեցիական ֆրագներով, այլև ինչ-որ ոչ-բարդ դիվանագիտական մանևրներով, որոնք կոչված էին ժողովուրդների հասարակական կարծիքը թաքցնելու անցկացվող քաղաքական կուրսի իսկական բնույթը»⁵:

Վերջնականապես համոզվելով, որ արևմտյան տերությունները մտադիր չեն ՍՍՌՄ-ի հետ որևէ համաձայնագիր կնքել գերմանական ագրեսիայի դեմ,

³ Altemur Kilic, Turkey and the World. Washington, 1959, p. 79.

⁴ «Документы и материалы кануна второй мировой войны», т. II. Госполитиздат, М., 1948, д. № 21, стр. 117.

⁵ «Պատմության կեղծարարները» (պատմական տեղեկանք), Հայպետհրատ, Երևան, 1948, էջ 35—36.

Սովետական Միությունը, ելնելով իր անվտանգությունն ապահովելու ու երկրի սլաշտպանունակությունը ամրացնելու շահերից, ստիպված էր 1939 թ. օգոստոսի 23-ին չհարձակման պակտ ստորագրել Գերմանիայի հետ: Դրանով իսկ ձախողվեց արևմտյան տերությունների հետապնդած հիմնական նպատակը՝ հիտլերյան ագրեսիան ուղղել դեպի արևելք՝ ՍՍՌՄ-ի դեմ:

1939 թ. սեպտեմբերի 1-ին ֆաշիստական Գերմանիան հարձակվեց Լեհաստանի վրա: Անգլիան ու Ֆրանսիան անմիջապես պատերազմ հայտարարեցին Գերմանիային և ալյալիսով մարդկությունը ներգրավվեց համաշխարհային երկրորդ պատերազմի մեջ: Դեպքերի նման ընթացքը, ինչ խոսք, բոլորովին ձեռնտու չէր արևմտյան իմպերիալիստական տերություններին, նրանց խաղաթղթերը խառնվեցին: Սակայն Անգլիայի ու Ֆրանսիայի կառավարող շրջանները դրանից հետո էլ չհրաժարվեցին իրենց հակասովետական պլաններից: Արևմտյան դիվանագիտությունը փորձեց «մյուսխենյան գործարքը» մի այլ ձևով կրկնել՝ օգտագործելով Թուրքիային: 1939 թ. սեպտեմբերի 25-ին ՍՍՌՄ-ի հետ փոխադարձ օգնության պայմանագիր կնքելու նպատակով բանակցություններ վարելու համար Մոսկվա ժամանեց Թուրքիայի արտաքին գործերի մինիստր Շ. Սարաջօղլուն: Ինչպես հետագայում հաստատվեց, անգլիական դիվանագիտությունը նպատակադրվել էր Սովետական Միության ու Գերմանիայի միջև անհապաղ զինված ընդհարում առաջ բերել՝ զուգահեռ սլակտերի սիստեմի օգնությամբ սովետա-թուրքական և անգլո-ֆրանս-թուրքական: Նախքան Սարաջօղլուի Մոսկվա գալը արդեն ստորագրվել էին փոխադարձ օգնության պայմանագրեր մի կողմից Անգլիայի ու Թուրքիայի (1939 թ. մայիսի 12-ին) և մյուս կողմից Ֆրանսիայի ու Թուրքիայի միջև (1939 թ. հունիսի 23-ին): Անգլիայի, Ֆրանսիայի ու Գերմանիայի միջև պատերազմական վիճակի առկայության պայմաններում Թուրքիայի ու ՍՍՌՄ-ի միջև փոխադարձ օգնության պայմանագրի ստորագրումը անխուսափելիորեն զինված ընդհարում առաջ կբերեր Սովետական Միության ու Գերմանիայի միջև, այսինքն հենց այն, ինչի ձգտում էին ապրեսիայի սանձազերծման: Ղլխավոր հրահրողները՝ Անգլիան ու Ֆրանսիան, ինչպես նաև Թուրքիան:

Սովետական կառավարությունը ժամանակին և ճիշտ կռահեց անգլո-ֆրանս-թուրքական դիվանագիտության այդ նոր քայլը: Նա Թուրքիային առաջարկեց կնքել փոխադարձ օգնության վերաբերյալ երկկողմանի պակտ, որը պիտի սահմանափակվեր Սև ծովի և նեղուցների շրջաններով, գտնելով, որ ալյալիսի պայմանագրի ստորագրումը չի կարող ՍՍՌՄ-ին մղել այնպիսի գործողությունների, որոնց հետևանքով նա կներգրավվեր զինված ընդհարման մեջ՝ Գերմանիայի հետ: Երկրորդ առաջարկությունը, որով Սովետական Միությունը հանդես եկավ Մոսկվայի բանակցությունների ժամանակ, դա այն էր, որ ՍՍՌՄ-ը Թուրքիայից երաշխիք էր պահանջում, որ պատերազմի սպառնալիքի դեպքում վերջինս ոչ-սեծովյան տերությունների ռազմականվերին թույլ չի տա անցնել Բոսֆորը և մտնել Սև ծովը: Թուրքական պատվիրակությունը մերժեց ՍՍՌՄ-ի այս երկու վերապահումներն էլ «և ալյալիսով պակտի կնքումն անհնարին դարձրեց»⁶:

Ինչպես տեսնում ենք 1939 թ. սովետա-թուրքական բանակցությունները

⁶ Доклад Председателя Совнаркома СССР на внеочередной сессии Верховного Совета СССР первого созыва. «Известия», 1. XI 1939.

ձախողվեցին ամենևին ոչ Սովետական Միության մեղքով, մի բան, որ փորձում են «հաստատել» թուրք պատմաբանները: Դրանց ձախողման պատճառը հենց Թուրքիայի դրաված դիրքն էր:

Պետք է ասել, որ թուրք հեղինակների այն հերյուրանքը, թե իրը Սովետական Միությունը բանակցությունների ժամանակ պահանջում էր վերանայել նեղուցների ու ծովի վերաբերյալ 1936 թ. Մոնտրենում կնքված միջազգային կոնվենցիան⁷, համառորեն շրջում էր արտասահմանյան մամուլի էջերում՝ դուռն աշն այն ժամանակ՝ բանակցություններից անմիջապես հետո: Սարաջողուի վերադարձից հետո արևմտյան թերթերը աղմուկ բարձրացրին ՍՍՄԿ-ի դեմ՝ վերջինիս մեղադրելով նեղուցների հարցում արտոնյալ իրավունքներ պահանջելու և Մոնտրենի կոնվենցիան հօգուտ իրեն վերանայելու մեջ: Սովետական կառավարությունը վճռականորեն հերքեց արտասահմանյան մամուլի հերթական այդ զրպարտությունը, որակելով այն որպես «հերյուրանք և կեղծիք»⁸:

Սարաջողուի Մոսկվա կատարած ուղևորության հետ կապված Արևմուտքի տերությունների հակասովետական մտադրություններն ականերև դարձան անգլո-ֆրանս-թուրքական պայմանագրի ստորագրությանը:

1939 թ. հոկտեմբերի 19-ին, չսպասելով նույնիսկ իր արտաքին գործերի մինիստրի վերադարձին (երբ նա դեռ ճանապարհին էր), թուրքական կառավարությունը Անկարայում Անգլիայի ու Ֆրանսիայի հետ ստորագրեց փոխադարձ օգնության պայմանագիր, որը նախատեսում էր.

1. Օգնություն Թուրքիային Անգլիայի և Ֆրանսիայի կողմից այն դեպքում, «եթե Թուրքիան ներգրավվի պատերազմական գործողությունների մեջ եվրոպական տերության հետ՝ այդ տերության կողմից Թուրքիայի դեմ կատարած ագրեսիայի հետևանքով»:

2. Օգնություն Թուրքիայի կողմից այն դեպքում, «եթե եվրոպական տերության կողմից կատարված ագրեսիայի ակտը հանգեցնի պատերազմի Միջերկրական ծովի գոտում, որտեղ կենդրավեն Ֆրանսիան և Միացյալ Թագավորությունը» և, միաժամանակ, օգնություն Ֆրանսիայի և Անգլիայի կողմից, «եթե եվրոպական տերության կողմից կատարված ագրեսիայի ակտը հանգեցնի պատերազմի Միջերկրական ծովի գոտում, որտեղ կենդրավեն Թուրքիան» և այլն⁹:

Անգլո-ֆրանս-թուրքական պայմանագրի հակասովետական ուղղվածության մասին դժվար չէր կռահել Ազգային մեծ ժողովում Թուրքական Ռեսպուբլիկայի պրեզիդենտ Իսմեթ Ինոնյուի արտասանած ճառից: Ելույթ ունենալով հերթական սեսիայի բացման օրը՝ 1939 թ. նոյեմբերի 1-ին Ինոնյուն հայտարարեց, որ այդ «պակտը ծառայում է խաղաղության գործին մեր (այսինքն թուրքական—Ռ. Ս.) շահերի գոտում»: Այլ կերպ ասած, Թուրքիայի կառավարող շրջանները հասկացնել էին տալիս, որ նրանք ոչինչ չունեն այն բանի դեմ, եթե ֆաշիստական ագրեսիան ուղղվի դեպի այնպիսի «գոտիներ», որոնց վրա անգլո-ֆրանսիական կառավարողները չեն տարածվում, այսինքն՝ Սովետական Միության դեմ:

⁷ Տե՛ս Kemal Karpat, Turkey's Politics. Washington, 1959, p. 351; Ahmet Sükrü Esmer, s. 255.

⁸ «Известия», 1. XI. 1939.

⁹ Տե՛ս «Дипл. словарь», т. I. М., 1948, стр. 137.

Թուրքիայի ղեկավար շրջանների պրոֆաշիստական քաղաքականությունն ավելի ցայտուն դրսևորվեց Հայրենական Մեծ պատերազմին նախորդող վերջին ամիսներին: Ֆաշիստական Գերմանիայի ջախջախումից հետո Սովետական Քանակի ձեռքն ընկած Գերմանիայի արտաքին գործերի մինիստրության գաղտնի փաստաթղթերը բացահայտորեն մերկացնում են թուրքական կառավարողների նենգ քաղաքականությունը ՍՍՌՄ-ի նկատմամբ՝ նախքան Սովետական Միության վրա Գերմանիայի հարձակվելը: Այսպես, Բեռլին ուղարկած գաղտնի հաղորդագրություններից մեկում, որը վերաբերում է 1941 թ. մայիսի 14-ին, Անկարայում գերմանական դեսպան ֆոն Պապենը Գերմանիայում արտաքին գործերի մինիստր Ռիբբենտրոպին տեղեկացնում էր Թուրքիայի պրեզիդենտի հետ ունեցած իր զրույցի մասին, որի ժամանակ վերջինս հայտարարել էր, որ «Թուրքիան պատրաստ է իր վրա պարտավորություն վերցնել երբեք ոչինչ չձեռնարկել ընդդեմ Գերմանիայի և նրա հետ կոնֆլիկտի մեջ շնորհիվ»¹⁰:

Մի այլ փաստաթղթից երևում է, թե ինչպիսի ստոր նպատակների պետք է ծառայեր Թուրքիան գերմանացիների պատերազմական ծրագրերում: Նույն մայիս ամսին Պապենին ուղարկած հեռագրում գերմանական կառավարությունը հայտնում էր նրան, որ «Թուրքիայի հետ պաշտոնական պայմանագիր կնքելու հետ մեկտեղ, կկնքվի նաև գաղտնի պայմանագիր, որը հնարավորություն կտա մեզ Թուրքիայի վրայով տեղափոխելու անսահմանափակ քանակությամբ զենք և զինանյութեր...»: Հեռագրում ասվում էր, որ այդ բոլորին հարկավոր է այնպիսի տեսք տալ, որ գործնականում հնարավոր դառնար զենքի հետ միասին տեղափոխել նաև որոշ քանակությամբ զորք՝ քողարկված ձևով¹¹:

Գերմանացիներին այնքան անհրաժեշտ այդ պայմանագիրն իրեն երկար սպասեցնել չտվեց: 1941 թ. հունիսի 18-ին, այսինքն Սովետական Միության վրա ֆաշիստական Գերմանիայի ուխտագրուծ հարձակումից 4 օր առաջ, Թուրքիայի ու Գերմանիայի միջև ստորագրվեց պայմանագիր «բարեկամության ու շահարձակման մասին»: Կնքելով այդ պայմանագիրը, Թուրքիան կոպիտ կերպով խախտեց 1929 թ. դեկտեմբերի 17-ին Անկարայում ստորագրված սովետա-թուրքական արձանագրությունը, որի 2-րդ հոդվածը պայմանավորվող կողմերին պարտավորեցնում էր իրար տեղյակ պահել այլ պետությունների հետ քաղաքական պայմանագրեր կնքելու մասին և առանց մյուս կողմի համաձայնության այդպիսիք չստորագրել: Գերմանա-թուրքական պայմանագիրը մեծ ծառայություն մատուցեց հիտլերյան Գերմանիային: Անվտանգելով ֆաշիստական զորքերի բալկանյան թևը, այն հանդիսացավ Գերմանիայի կողմից ՍՍՌՄ-ի դեմ պատերազմի նախապատրաստման վերջին օղակը: Միաժամանակ, այդ պայմանագրի ստորագրումով Թուրքիան բացահայտորեն ցույց տվեց, որ նա միանում է ֆաշիստական Գերմանիայի հակասովետական պլաններին: «Գերմանա-թուրքական պայմանագիրը հեշտացրեց ՍՍՌՄ-ի վրա:

¹⁰ «Документы министерства иностранных дел Германии», вып. 2. Германская политика в Турции (1941—1943 гг.), Госполитиздат, М., 1946, стр. 8.

¹¹ Նույն տեղում, էջ 11—12.

Գերմանիայի հարձակումը և նրան հնարավորություն տվեց Թուրքիայի ձևական շեղումը օգտագործել ի վնաս ՍՍՌՄ-ի և ազատասեր այլ ժողովուրդների շահերի...»¹², ՍՍՌՄ-ի վրա Գերմանիայի հարձակումից հետո Թուրքիայի ղեկավար շրջանները չհապաղեցին իրենց գոհունակությունը հայտնելու գերմանա-թուրքական պայմանագրի «արդյունքների» վերաբերյալ: 1941 թ. նոյեմբերի 1-ին Թուրքիայի Ազգային մեծ ժողովի բացման առթիվ արտասանած իր ճառում Թուրքիայի պրեզիդենտն ընդգծեց, որ 1941 թ. հունիսի 18-ի պայմանագիրը «փոխադարձ վստահության մթնոլորտ ստեղծեց»: «Այս արդյունքը ես ցանկանում եմ գոհունակությամբ նշել... Այդ ժամանակից ի վեր թուրք-գերմանական հարաբերությունները ոչ մի ժամանակ չփչանալով ընթանում են բարեկամության ուղիով»: Վերջում պրեզիդենտը վստահություն էր հայտնում, որ բարեկամության ու շեղումից պայմանագիրը բոլոր հանգամանքներում շարունակում է և կշարունակի ուժի մեջ մնալ¹³:

Ժամանակակից թուրք պատմաբան պրոֆեսոր Ուշուկը, իր «Քաղաքական պատմության» մեջ փորձելով «հիմնավորել» իր այն կարծիքը, թե իբր 1941 թ. հունիսի 18-ի պայմանագրով Թուրքիան «լրիվ չեզոք մի դիրք գրավեց», ակամայից մերկացնում է այդ շեղումից իսկական իմաստը: «Գերմանիան էլ հենց այդ էր ուղում», — գրում է նա: «Թուրքիայի շեղումից դեպքում, — բացատրում է իր միտքը հեղինակը, — պատերազմող պետությունների ռազմականավորը չէին անցնի նեղուցներով և Սովետներին օգնություն ցույց չէին տա»¹⁴:

Անդրադառնալով այսպես կոչված «թուրքական շեղումից» երկրորդ համաշխարհային պատերազմում: Այս հարցի քննության հարկ կա այն պատճառով, որ շնայած հետպատերազմյան տարիներին հրապարակված գաղտնի փաստաթղթերին, որոնք համոզիչ կերպով համաշխարհային հասարակական կարծիքի առջև մերկացրին Թուրքիայի «չեզոք» քաղաքականությունը երկրորդ համաշխարհային պատերազմի տարիներին, ժամանակակից Թուրքիայում լույս տեսնող պատմական գրականության մեջ անվերապահորեն արդարացվում և նույնիսկ փառաբանվում են Թուրքիայի «չեզոք» քաղաքականությունն ու նրա «դերը» մարդկության ընդհանուր հաղթանակի գործում:

1941 թ. հունիսի 22-ին հիտլերյան Գերմանիան առանց պատերազմ հայտարարելու հարձակվեց Սովետական Միության վրա: Երեք օր հետո, հունիսի 25-ին թուրքական կառավարությունը Մոսկվայում իր դեսպանի միջոցով տեղեկացրեց, որ «Գերմանիայի ու ՍՍՌՄ-ի միջև պատերազմով ստեղծված դրության առկայությամբ Ռեսպուբլիկայի կառավարությունը որոշել է հռչակել Թուրքիայի շեղումը»¹⁵, Շատ շանցած, թուրքական պաշտոնական «Ուլուս» թերթը 1941 թ. հոկտեմբերի 5-ի համարում առանց իր հրճանքը թաքցնելու գրում էր. «Գերմանացիները բացարձակապես ճիշտ վարվեցին»

¹² «Дипломатический словарь в трех томах», т. I, Госполитиздат, М., 1960, стр. 368—369.

¹³ İnönü diyor ki, Nutuk, hitabe, beyanat, hasbithaller. İstanbul, 1944, s. 103.

¹⁴ Prof. Dr. Coşkun Uçok, Siyasî tarih dersleri. Ankara, 1957, s. 378.

¹⁵ «Внешняя политика Советского Союза в период Великой Отечественной войны», т. I, Госполитиздат, М., 1946, стр. 129.

հարձակում գործելով Սովետների վրա»¹⁶։ Հայրենական պատերազմի արդեն առաջին ամիսներից սկսած թուրքական կառավարող շրջանները «շեզոքության» քողի տակ թաքնվելով, սկսեցին ակտիվ աջակցություն ցույց տալ «առանցքի» երկրներին։ 1941 թ. հուլիսի 9-ին թուրքական կառավարությունը կոպիտ կերպով խախտելով 1936 թ. Մոնտրեի կոնվենցիան, գերմանական «Ջենեֆալկե» ռազմանավին թույլատրեց անցնել նեղուցներով և մտնել Սև ծովը, իսկ օգոստոսին նույն ձևով Սև ծովում երևաց ֆաշիստական Իտալիայի «Տարվիզիո» ռազմանավը»¹⁷։ Թուրքիայի այդ պրոֆաշիստական դիրքը հակահիտլերյան կոալիցիայի մասնակիցներին՝ Սովետական Միությանն ու Անգլիային ստիպեց 1941 թ. օգոստոսի 10-ին իրենց նույնանման նոտաներում «հիշեցնել» թուրքական կառավարությանը նեղուցների ռեժիմի վերաբերյալ կոնվենցիան պահպանելու անհրաժեշտության մասին։ Սակայն թուրքական ղեկավարները ամենևին էլ մտադիր չէին հետևելու շեզոքության քաղաքականությանը։ Ընդհակառակը, ընդհուպ մինչև պատերազմի վերջը նրանք հավատարիմ մնացին իրենց խոստմանը՝ «ռչինչ չձեռնարկել ի վնաս Գերմանիայի շահերի»։ Սովետական կառավարությունը բազմիցս մատնանշել է պատերազմի տարիներին Թուրքիայի կողմից նեղուցների ռեժիմի խախտման դեպքերի մասին։

Այսպես, 1942 թ. նոյեմբերի 4-ի իր նոտայում Սովետական կառավարությունը նորից Թուրքիայի ուշադրությունը հրավիրեց այն բանի վրա, որ Գերմանիան մտադիր է առևտրական նավերի քողի տակ Սև ծովն անցկացնել օժանդակ ռազմանավեր 140 տ ընդհանուր ջրատարողությամբ և նախազգուշացրեց, որ այդ նավերի բաց թողումը նեղուցներով կհանդիսանար Մոնտրեի կոնվենցիայի կոպիտ խախտում։ Թուրքական կառավարությունը, սակայն, թույլատրեց գերմանական այդ նավերին անցնել նեղուցներով և մտնել Սև ծովը։ 1944 թ. մայիս-հունիս ամիսներին տեղի ունեցան նեղուցներով գերմանական ռազմանավերի անցման մի քանի դեպքեր։ Սովետական կառավարությունը բողոք հայտնեց թուրքական կառավարությանն այն բանի դեմ, որ վերջինս թույլատրել է գերմանական ռազմական և ռազմա-օժանդակ նավերին անցնել Սև ծովից էգեյան ծովը։ Դրանք «էմս» և «Կրիզստրասնպորտ» տիպի տարբեր տոննաժ ունեցող այն 13 նավերն էին, որոնք մասնակցում էին ռազմածովային օպերացիաներին Սև ծովում։ Պատերազմի տարիներին նեղուցների ռեժիմի խախտման բազմաթիվ այլ դեպքեր են եղել, որոնց մասին Սովետական կառավարությունը հայտնել է 1946 թ. օգոստոսի 7-ի և սեպտեմբերի 24-ի իր նոտաներում։ Հայտնի է, որ թուրքական կառավարությունն ըստ էության չի կարողացել հերքել սովետական նոտաներում բերված փաստերից և ոչ մեկը։

Ժամանակակից թուրք պատմաբաններն, արհամարհելով ոչ հեռավոր անցյալի փաստերը, ձգտում են ամենադրական կողմերից ներկայացնել Թուրքիայի կառավարող շրջանների քաղաքականությունը նեղուցների հարցում։ Վերջերս Թուրքիայում լույս տեսած «Նոր Թուրքիան» վերնագիրը կրող գրքում, որն, ի դեպ, հրատարակվել է Ռեկֆեյլիերի ֆոնդի գումարների օգնու-

¹⁶ *Տե՛ս* С. Устюгелъ. В тюрьме и на «воле». Перевод с турецкого, Гос. изд. иностран. лит., М., 1952, стр. 76.

¹⁷ *Տե՛ս* «Правда», 14. VIII 1946.

թյամբ, պրոֆ. էսմերը Թուրքիայի դիվանագիտությանը նվիրված իր մեծածավալ հոդվածում անվերապահորեն արդարացնելով պատերազմի տարիներին Թուրքիայի վարած «չեզոք» քաղաքականությունը, փորձում է «պատճառաբանել» վերջինիս կողմից նեղուցների ուժիմի խախտման դեպքերը: Այսպես, հիշատակելով 1944 թ. ապրիլի 20-ին գերմանական նավերի՝ նեղուցներով դեպի Ռումինիա անցնելու դեպքը, հեղինակը պնդում է, որ իբր թուրքական կառավարությունը տեղյակ չէր այդ նավերի վրա սպառազինություն լինելու մասին¹⁸: Իսկ վերը հիշված Քրլըջը գրում է. «Չնայած պրոգերմանական ու պանթուրանական կլիկների գործունեությանը և Մենեմենջիօղլուի (Թուրքիայի արտաքին գործերի մինիստրը—Ռ. Ս.) ու Սարաջօղլուի բավականին անզգույշ գրույցներին, թուրքական չեզոքությունը, ամբողջությամբ վերցրած, կոռեկտ էր և ոչ ի վնաս դաշնակիցներին... նրա կողմից նեղուցների պաշտպանությունը ճիշտ էր, առանց որևէ քննամական հետևանքի Սովետական Ռուսաստանի նկատմամբ»¹⁹ (բնագծումը մերն է—Ռ. Ս.): Հեղինակը փորձում է ժխտել Թուրքիայի կողմից նեղուցների ուժիմի խախտման բազմաթիվ դեպքերը, պնդելով, որ ՍՍՌՄ-ի վրա գերմանացիների հարձակումից հետո Թուրքիան «կտրուկ կերպով մերժեց ճանապարհ տալու և նա գերմանական ու խտլական ոչ մի նավի թույլ չի տվել Միջերկրականից անցնել Սև ծովը»²⁰: Իսկ Մյուրքերեմ Քյամիլ Սուն և Քյամիլ Սուն լրիվ արդարացնելով պատերազմի բոլոր տարիներին Թուրքիայի կառավարող շրջանների վարած «չեզոք» քաղաքականությունը, միաժամանակ շեշտում են Թուրքիայի «պոզիտիվ» դերը՝ «ներկորդ համաշխարհային պատերազմում,—գրում են նրանք,—թուրքական կառավարության չեզոքությունից Սովետական Միությունը օգուտ քաղեց»²¹:

«Թուրքիայի չեզոքությունը Ռուսաստանին անվտանգություն ապահովեց նեղուցների ու Անատոլիայի կողմից»²²,—եզրակացնում են հեղինակները:

Թե ինչպես էր Թուրքիան ապահովում Ռուսաստանի անվտանգությունը Սև ծովի շրջանում, թույլ տալով գերմանական նավերին մտնել Սև ծովը և տվազակային հարձակումներ գործել ՍՍՌՄ սևծովյան նավահանգիստների վրա, վերևում ցույց տրվեց: Այժմ տեսնենք, թե ինչպիսի «անվտանգություն» էր ներկայացնում Թուրքիան Անատոլիայի կողմից:

Քաջ հայտնի է, որ Թուրքիայի կառավարող շրջանները մինչև Ստալին-գրադի ճակատամարտը բացահայտորեն արտահայտում էին իրենց պրոֆաշիստական դիրքորոշումը և ՍՍՌՄ-ի նկատմամբ իրենց անսրող թշնամանքը: Թուրք ռեակցիոներները անհամբերությամբ սպասում էին Ստալինգրադի անկմանը՝ ՍՍՌՄ-ի վրա հարձակվելու համար: Սովետա-թուրքական սահմանի մոտ՝ Տրապիզոնի և Խոփայի շրջաններում 1942 թ. ամռանը զգալի թվով թուրքական զորքեր էին կենտրոնացվել: 1942 թ. օգոստոսի 31-ին թուրքական թերթերը տպագրեցին Սրվասում Սարաջօղլուի արտասանած ճառը, որտեղ նա ասել էր հետևյալը. «Մենք մտադիր չենք բաց թողնել հարմար առիթը՝

¹⁸ Prof. Dr. Ahmet Şükrü Esmer, Türk Diplomasisi (1920—1955). „Yeni Türkiye“, İstanbul, 1959, s. 93.

¹⁹ Altınur Kılıç, p. 97.

²⁰ Նույն տեղում, էջ 112.

²¹ Mukerrem Kamil Su ve Kamil Su, Türkiye Cumhuriyeti tarihi. İstanbul, 1957, s. 181.

²² Նույն տեղում:

մի «արվածով վերադարձնելու այն, ինչ մենք կորցրել ենք պարտության տարիներին» (ընդգծումը մերն է.—Ռ. Ս.)²³։ Հասկանալի է, որ Թուրքիայի այդ թշնամական մտադրությունները, ՍՍՌՄ-ի նկատմամբ նրա հարձակողական պլանները հայտնի էին Սովետական կառավարությանը, որը պատերազմի նույնիսկ ամենագծվարին պահին Կովկասում պահում էր համապատասխան բանակությամբ զորք, որը նա կարող էր հաջողությամբ օգտագործել ֆաշիստական բանակների առաջխաղացման դեմ։

Սակայն Թուրքիայի խարդախ «չեզոքությունը» սովետական զորքերին դամել էր հարավային ճակատում։ Այժմ թուրք հեղինակները ցինիկորեն դրում են «Ռուսաստանին օգնելու», նրա «թիկունքն ապահովելու», «հարձակումից պաշտպանելու» և նման շինծու «իրողությունների» մասին, անհրաժեշտ չհամարելով բացատրել, թե ինչու, այնուամենայնիվ, Թուրքիան չհարձակվեց Սովետական Միության վրա։ Արդյոք ա՞յն պատճառով, որ Թուրքիայի ռեակցիոն ղեկավարները համակրում էին ՍՍՌՄ-ի գլխավորությամբ ազատասեր ժողովուրդների մղած ազնիվ պայքարին, թե՞ նրանք որոշել էին հավատարիմ մնալ չհարձակման մասին 1925 թ. սովետա-թուրքական պայմանագրին։ Իհարկե ոչ այդ պատճառներով։

Գերմանիայի արտաքին գործերի մինիստրության գաղտնի փաստաթղթերից հայտնի դարձավ, որ Սովետական Միության վրա թուրքական հարձակումը նախատեսվում էր իրականացնել իրանական սարահարթի վրայով՝ Բաքվի ուղղությամբ, ըստ որում Թուրքիայի ղեկավար շրջանները համոզված էին, որ «անգլիացիները իրանում քիչ թե շատ նշանակալից դիմադրություն դուրս չեն տա»։ Ինչպես պարզվեց «Պրավդա» թերթում 1947 թ. մարտի 27-ին ղետեղված նյութերից, ՍՍՌՄ-ի վրա Թուրքիայի հարձակումը նշանակված էր 1942 թ. նոյեմբերին, այն բանից հետո, երբ Բեռլինը կհայտարարեր Ստալին-իրադի անկման մասին։

1947 թ. ամերիկյան «ԲՄ» թերթը տպագրեց թուրքական կառավարության նախկին անդամներից մեկի երկու հոգվածները, որոնցում հեղինակը (որի անունը թերթը չէր հայտնում) մերկացնում էր Թուրքիայի կառավարող շրջանների այսպես կոչված «չեզոքությունը»։ Թուրքական կառավարությունը, — գրում էր նա, — 1942 թ. բանակի մոբիլիզացիա անցկացրեց և որոշում ընդունեց թիկունքից հարձակվել ՍՍՌՄ-ի վրա։ Պատերազմի հայտարարումը նշանակված էր 1942 թ. նոյեմբերին։

«Ամեն ինչ պատրաստ էր, — շարունակում է հոգվածի հեղինակը, — Թուրքիան պատրաստվում էր պատերազմի մեջ մտնել Սովետական Միության դեմ, որի հետ նա կապված էր դաշնակցային պայմանագրով», բայց երբ պրեզիդենտը զանգահարեց Պապենին, հայտնելու նրան, որ Գերմանիան նոր դաշնակից է ձեռք բերում, այսինքն, որ Թուրքիան պատերազմի մեջ է մտնում, վերջինս ասաց, որ Ստալին-իրադի տակ գերմանական զորքերը դժվարությունների են հանդիպել և սկսել են նահանջել։ Իմանալով այդ մասին, նա այլևս չհայտնեց Պապենին Թուրքիայի իրական մտադրությունները և անհապաղ փոխեց մոբիլիզացիայի մասին տրված իր կարգադրությունը։ «Չետագա իրադարձությունները, — եզրակացնում էր հեղինակը, — ցույց տվեցին, որ Թուրքիան

²³ См. С. Устюгелъ, В тюрьме и на «воле», стр. 77.

բոլոր հիմքերն ունեն Պապենին երախտապարտ լինելու նրա շատախոսության համար...»²⁴ Վերջում թուրքական կառավարության նախկին անդամը հավաստիացնում էր, որ այդ բոլորը իսկական ճշմարտություն է և որ ինքը «այդ միջադեպին վկա է եղել»²⁵:

Նույնիսկ մինչև վերջը հակասովետական ողով գրված իր գրքում ամերիկյան պատմաբան Այվոր Սփեթթերը խոստովանում է, որ պատերազմի տարիներին և հատկապես Մոսկվայի ու Ստալինգրադի ուղղությամբ գերմանական բանակների առաջխաղացման ժամանակ «պաշտոնապես չեղոթ թուրքերը գերմանացիների հետ սերտ մերձեցման մեջ մտան», իսկ «1942 թվականի վերջին կովկասյան սահմանի վրա զգալի թվով դորք կենտրոնացրեցին և մամուլի սկսած հակասովետական կամպանիան Թուրքիայում հասավ մի նոր բարձրության...»²⁶:

Ծիշտ է, Ստալինգրադի տակ գերմանական զորքերի ջախջախումը մի փոքր թուլացրեց թուրք ռեակցիոներների շովինիստական մոլուցքը, սակայն Թուրքիայի կառավարող շրջանները ամենևին էլ չհրաժարվեցին ֆաշիստական Գերմանիային առաջվա նման աջակցելուց: 1942 թ. դեկտեմբերին արտաքին գործերի մինիստր Մեննմենշիոզլուս Վառավարության անունից և նրա հանձնարարությամբ հաղորդեց Պապենին, որ Թուրքիան իր չեղոթությունից չի հրաժարվի նույնիսկ այն դեպքում, եթե «առանցքը» գտնվի իր կրախի նախօրյակին, այլ ընդհակառակը, նրան կպաշտպանի բոլոր հանգամանքներում...»²⁷:

Ստալինգրադի տակ գերմանացիների կրած պարտությունից հետո Թուրքիայի «չեղոթությունը» ավելի մեծ նշանակություն էր ստանում Գերմանիայի համար, որովհետև թուրքական մեկ միլիոնանոց բանակի ներգրավումը պատերազմի մեջ, ինչ խոսք, կարագացնե՞ր ֆաշիստական Գերմանիայի պարտությունը: Թուրքիան, սակայն, շատ հեռու էր ֆաշիստական սպառնալիքի դեմ մարդկության առաջադեմ ուժերի մղվող պայքարին աջակցելուց: Ընդհակառակը, նա, ճիշտ է, ավելի զգույշ և քողարկված ձևով, շարունակում էր օգնել Գերմանիային ինչով կարող էր՝ ստրատեգիական հումքով և մթերքներով (քրոմի հանք, բամբակ, բուրդ, ծխախոտ և այլն), առևտուր անելով, գերմանական նավերը նեղուցներով բաց թողնելով և այլն:

Այս հարցերը, հասկանալի է, ձևոնաու չլինելու պատճառով, տեղ չեն գտել թուրք պատմաբանների աշխատություններում, գիտակցաբար շրջանցվում են: Դրա փոխարեն, կոպիտ կերպով խեղաթյուրելով պատմական իրականությունը, թուրք հեղինակները Սովետական կառավարությանը մեղադրում են Թուրքիայի նկատմամբ ագրեսիվ նպատակներ հետապնդելու մեջ: Այսպես, օրինակ, Յունալը գրում է, որ Ստալինգրադի տակ տարած հաղթանակից հետո հակահարձակման պատրաստվելով «Ռուսաստանը ապապայտում իր նպատակները հեշտությամբ իրագործելու համար այժմ արդեն չէր ցանկանում, որ մենք պատերազմի մեջ մտնենք»²⁸: Իսկ որո՞նք էին Ռուսաստանի ագրեսիվ նպա-

²⁴ «Правда», 27. III. 1947.

²⁵ Ivar Spector, The Soviet Union and the Muslim World 1917–1958. University of Washington Press, 1959, p. 201–202.

²⁶ «Документы министерства иностранных дел Германии», вып. 2, стр. 133.

²⁷ Tahsin Ünal, s. 291.

տակները: Պարզվում է, որ Ռուսաստանը մտադրվել էր «կուլ տալ» Թուրքիային և այդպիսով «պատմական իր նպատակը» հաջողությամբ պսակել: Հետաքրքիրն այստեղ այն է, որ Յունալը, ի տարբերություն թուրք մյուս հեղինակների, մի փոքր այլ ձևով է ներկայացնում Թուրքիայի «մասնակցությունը» 2-րդ համաշխարհային պատերազմին: «Ռուսաստանի այդ քաղաքական նպատակը իմանալով,—գրում է Յունալը,—և մեր բարեկամներ Անգլիայի ու Ամերիկայի հիշեցումից հետո մենք 1945 թ. Գերմանիային ու Ճապոնիային պատերազմ հայտարարեցինք և բնական ձևով պատերազմի մեջ մտանք»²⁸ (ընդգծումը մերն է—Ռ. Ս.):

Թուրք պատմաբանները անհիմն պարծենկոտությամբ շեշտում են Թուրքիայի «դրական» ներմուծությունը Հայրենական պատերազմում ՍՍՌՄ-ի տարած պատմական հաղթանակի գործում՝ Թուրքիայի «չեզոքությունը» համարելով Ռուսաստանի հաղթանակի գրեթե ամենակարևոր գործոնը: «Նրա գերմանական բանակները անսպասելի մի հեղեղի նման առաջ էին շարժվում Ռուսաստանում և ուսները սև օրեր էին ապրում, այդ մոմենտին բոլորովին նոր երկու միլիոն թուրքական սվինների՝ գերմանացիների կշեռքի նժարին դնելը Ռուսաստանը ընդմիշտ կարող էր ոչնչացնել»—գրում է «պատմաբան» Օկչունը²⁹: Պետք է ասել, որ այս հեղինակը երկրորդ համաշխարհային պատերազմի պատմության ֆալսիֆիկացիայի գործում գերադասում է թուրք մյուս պատմաբաններին: «Ռուս-թուրքական պատերազմների պատմությունը» խորագրով իր գրքում նա փորձում է «հիմնավորել» Թուրքիայի դերը «Ռուսաստանին կործանումից փրկելու» գործում:

«Գերմանական բանակների հաղթածների ներքո դեպի մահ գնացող Ռուսաստանին,—ցինիկորեն գրում է նա,—անգլո-սաֆսերը և Թուրքիան օգնության շտապեցին... Մարդկության երջանկության գործի համար միավորված այս ազգերն շտապեցին աջակցելու Ռուսաստանին»³⁰: Խեղաթյուրելով փաստերը, հեղինակը պնդում է, որ Ռուսաստանը, ինչպես առաջին համաշխարհային պատերազմում, նորից անզեն, առանց զինամթերքի ու սպառազինության մնաց: «Միայն հրաշքը կարող էր փրկել Ռուսաստանին»,—գրում է նա: Այդ հրաշքը, ըստ հեղինակի, անգլո-ամերիկյան ու թուրքական օգնությունն էր³¹: Սակայն ինչու՞մն էր կայանում Թուրքիայի «օգնությունը» Սովետական Միությանը, ինչպե՞ս էր Թուրքիայի «համարձակ չեզոքությունը» (ըստ նրա արտահայտության) ուժեղ հենարան ծաղայում Ռուսաստանի համար: «Թուրքիայի չեզոքության շնորհիվ,—գրում է Օկչուն,—Բասրայի ու Պարսից ծոցի վրայով Ռուսաստան հոսող օգնության հեղեղը ուժեղացավ, նրա ձախ թևը պաշտպանվեց և Ռուսաստանը հանգիստ անցկացնելով հակահարձակման գործողությունները, պատերազմը շահեց»: «Այսպիսով,—եզրակացնում է հեղինակը,—Թուրքիան Ռուսաստանը ազատագրողների շարքում դեր է խաղացել»³² (ընդգծումը մերն է—Ռ. Ս.): Պատմության կեղծարարության, փաստերի կոպիտ աղավաղման մեջ «յուրահատուկ» տեղ ունի Ահմեդ էմին Յալմանը, որը

²⁸ Tahsin Ünal, s. 291.

²⁹ Yahya Okçu, s. 190.

³⁰ Նույն տեղում, էջ 197:

³¹ Նույն տեղում:

³² Նույն տեղում, էջ 198:

հայտնի է որպես ժուռնալիստ և քաղաքական գործիչ, ևրկար տարիներ մոտ է կանգնած եղել կառավարող շրջաններին: Զանալով վեր հանել Թուրքիայի «զրական» դերը Չ-րդ համաշխարհային պատերազմում, Յալմանը ԱՄՆ-ում հրատարակված «Իմ ժամանակի Թուրքիան» վերնագիրը կրող մեմուարային լնույթի իր գրքում պնդում է, որ Թուրքիան նույնիսկ «անուղղակիորեն եղել է... Սովետական Ռուսաստանի դաշնակիցը»³³:

«Թեպետ մենք պատերազմին չէինք մասնակցում, — գրում է Յալմանը, — մենք զենքի տակ էինք պահում մեկ միլիոն մարդ զիմադրելու համար գերմանացիներին, և՛ Նրանք հարձակվեին Եվրոպայից դեպի Ասիա ու Միջերկրական ծովի շրջանը գնացող ստրատեգիական ուղու վրա... Այսպիսով, — ավարտում է իր կեղծիքը հեղինակը, — մենք պաշտպանել ենք ռուսական բանակների թևերը հարավային Ռուսաստանում...»³⁴: Թուրք հեղինակների նման անհիմն, մինչև վերջը սնանկ պնդումները ոչինչ ընդհանուր չունեն պատմական իրականության անժխտելի փաստերի հետ: Իսկ փաստերը մերկացնում են Թուրքիայի դեակցիոն կառավարող շրջանների իսկական նպատակները մեկ միլիոնանոց բանակ պահելու գործում: Ծիշտ է, թուրք շովինիստներին չվիճակվեց այդ բանակը շարժման մեջ դնել Սովետական Միության դեմ և թուրք պատմաբաններն այժմ, նենգափոխելով փաստերը, փորձում են «չեզոք» Թուրքիայի կողմից այդպիսի մեծ գորքի առկայությունը կապել անմիջականորեն Ռուսաստանին պաշտպանելու շինծու խնդրի հետ: Սակայն հրապարակված փաստաթղթերը հիմնովին հերքում են թուրք պատմաբանների այդ կեղծիքը ևս: Գերմանիայի արտաքին գործերի մինիստրության գաղտնի փաստաթղթերից հայտնի է, որ սովետա-թուրքական սահմանի մոտ 1942 թ. աշնանը թուրքական զորքերի կենտրոնացումը պայմանավորված էր ֆաշիստական Գերմանիայի ձգտումներին ընդառաջ գնալու ցանկությամբ և, միաժամանակ, ՍՍՌՄ-ի տերիտորիաների նկատմամբ Թուրքիայի կառավարող շրջանների փայփայած զավթողական պլաններով: Դեռևս 1942 թվականի հունվարին Պապենը Ինոնյուի հետ ունեցած զրույցի ժամանակ այն միտքն էր հայտնի, որ երբ գարնանը գերմանական բանակը սկսի Կովկասի վրա ծրագրած իր հարձակումը, գերմանացիների համար «չափազանց մեծ արժեք կունենա թուրքական ուժերի կենտրոնացումը ռուսական սահմանի վրա»³⁵: Նույն փաստաթղթերից երևում է, թե ինչպիսի նպատակներ էին հետապնդում թուրքական կառավարության ամենապատասխանատու ղեկավարները: 1942 թ. հունվարի 5-ին Պապենը հաղորդում էր Բեռլին Թուրքիայի պրեզիդենտի հետ իր ունեցած «արտակարգ բովանդակալից» զրույցի մասին, որի ժամանակ պրեզիդենտը հավաստիացրել էր, որ «Թուրքիան մեծապես շահագրգռված է ռուսական հսկայի ոչնչացման մեջ»³⁶: Իսկ Սարաջոզյուն պրեմիեր մինիստր/պաշտոնին անցնելու օրը, 1942 թ. օգոստոսի 27-ին նույն Պապենի հետ զրույցի ժամանակ անդրադառնալով արտահայտվում. «Ռուսաստանի ոչնչացումը, — ասել էր նա, — հանդիսանում է ֆյուրերի սխրագործությունը, որին հավասարը կա

³³ Ahmed Emin Yalman, Turkey in my Time. Norman, 1956, p. 198.

³⁴ Նույն տեղում:

³⁵ «Документы министерства иностранных дел Германии», вып. 2, стр. 58.

³⁶ Նույն տեղում:

րող է կատարվել հարյուր տարին մեկ անգամ... Ռուսական պրոբլեմը կարող է լուծվել, եթե սպանվի Ռուսաստանում ապրող ռուսների առնվազն կեսը»³⁷։ Եվ պատահական չէ, որ թուրքական կառավարող շրջանները պատերազմի տարիներին և հատկապես 1941—42 թթ. խրախուսում և աջակցություն էին ցույց տալիս շովինիստ-պանթուրքիստների հակասովետական գործունեությանը՝ լայն հնարավորություններ ստեղծելով վերջիններիս մոլի շովինիստական, հակասովետական անզուսպ պրոպագանդայի համար։ 1941 թ. նոյեմբերին, ոչ առանց թուրքական կառավարող շրջանների աջակցության, Ստամբուլում կազմակերպվեց թուրքական հակասովետական կոնտրոն, որի մեջ մտան սպիտակգլարդիականները և թուրքական ռեակցիայի ամենաշովինիստական մասի ներկայացուցիչները։ Պրանցից էին թուրքական ֆաշիստ գեներալ էրբիլեթր, տխրահուշակ էնվերի եղբայր Նուրի փաշան, Մյուրսել փաշան և ուրիշներ։ Պանթուրքիստները թուրքերեն և գերմաներեն լեզուներով մի շարք թերթեր ու ամսագրեր էին հրատարակում՝ «Թասֆիրի էֆթյար», «Չինարալթը», «Բոզկուրթ», «Բյույուկ դոդու» և այլն։ Հիշյալ թերթերն ու ամսագրերը ամենալիտի կերպով պրոպագանդում էին պանթուրքիստական գաղափարները, բացահայտորեն կոչ անելով անհապաղ պատերազմ սկսել Սովետական Միության դեմ։ Հիշյալ հրատարակությունները հանդես էին գալիս պրովոկացիոն հոդվածներով՝ «պատերազմը առաջադիմություն է», «պատերազմը կուլտուրայի տարածման ամենակարևոր միջոցն է» և նման այլ վերնագրերով։ Պանթուրքիստները չէին թաքցնում իրենց զավթողական իդեերը և բացեիքաց գրում էին ՍՍՌՄ-ի հաշվին տերիտորիալ մեծ ձեռքբերումների մասին։ Այսպես, «Բոզկուրթ» ամսագիրը 1941 թ. հուլիսի համարում որպես հավելված «թուրքիզմը սպասում է» հոդվածի տպագրել էր «Մեծ Թուրքիայի քարտեզը», որի մեջ մտցված էին նաև Անդրկովկասի և Միջին Ասիայի սովետական ռեսպուբլիկաները։ Նույն ամսագրում տպագրված «Բոզկուրթիչների կրեդոն» վերնագիրը կրող հոդվածում պանթուրքիստները անսքող ձևով բացահայտում էին իրենց մոլի շովինիստական ռասայական էությունը։ Ահա այդ զառանցանքը, որը մեջ է բերվում ամերիկյան հեղինակ Հոստլերի գրքում։

«Ուվքեհ» ենք մենք։ Մենք բոզկուրթիչներն ենք։ Ո՞րն է մեր գաղափարախոսությունը։ Բոզկուրթի թուրքիզմը։ Ո՞րն է բոզկուրթիչների հավատը։ Նրանք հավատում են, որ թուրքական ռասան և թուրք ազգը մյուս բոլոր ռասաներից ու ազգերից բարձր են կանգնած։ Ո՞րն է այդ գերազանցության աղբյուրը։ Թուրքականությունը։ Թուրքը մյուսներից բարձր է ծնված օրից։ Այո, թուրքը բարձր է ի ծնե։ Թուրքն իր խելքը, արիությունը, իր ռազմական հանճարը և ամեն տեսակի ընդունակությունները ստանում է արյունից... Բոզկուրթիչները պանթուրքիստեն՝ են։ Այո։ Բոզկուրթ-թուրքիստների սրբազան նպատակն է թուրքական պետությունը տեսնել 65 միլիոնի հասած...»³⁸։ Ամերիկյան գրեղապետ Հոստլերը «Թուրքիզմը և Սովետները» վերնագիրը կրող գրքում արդարացնելով հանդերձ Թուրքիայի կառավարող շրջանների դիրքը պանթուրքիստների գործունեության նկատմամբ, այնուամենայնիվ խոստովանում է, որ «այդ անպատասխանատու խմբերը» թույլատրված էին թուրքական կառավարության կողմից թուրք երիտասարդության գաղափարական նախա-

³⁷ Նույն տեղում, էջ 97—98։

³⁸ Charles Warren Hostler, *Turkism and the Soviets*. London, 1957, p. 181.

պատրաստման նպատակով՝ Սովետական Ռուսաստանի դեմ հնարավոր պատերազմի դեպքում³⁹։ «Կարելի է եզրակացնել,—գրում է հիշյալ հեղինակը,—որ թուրքական պետության մեջ բարձր դիրք գրավող անձինք պատրաստի պլաններ ունենալ իրագործելու բոլոր հնարավորությունները, որը դերմանա-սովետական պատերազմում ՍՍՌՄ-ի կործանումը կարող էր բնթել պան-թուրքիստական դադափարների իրականացման համար»⁴⁰։ Պետք է ասել, որ թուրք հեղինակները ևս ընդունում են, որ թուրքիայի կառավարող շրջանները հովանավորում էին պանթուրքիստների գործունեությունը և դադարեցին նրանց պաշտպանել միայն այն ժամանակ, երբ ֆաշիստական Գերմանիայի պարտու-թյունն արդեն կանխորոշված էր։ «Թուրքական կառավարությունը ի վերջո՝ հրաժարվեց ակտիվ աջակցություն ցույց տալ պանթուրքիստական շարժմանը»—գրում է Քարփաթը⁴¹, միաժամանակ բացահայտելով այդ քայլի բուն դրդապատճառները. «կառավարությունը,—շարունակում է հեղինակը,—ուժեղ կերպով ձգտելով ցույց տալ իր շեղությունը, փորձեց սանձահարել պան-թուրքիստների գործողությունները, թեև դրանք անցյալում կատարվում էին ավելի բացահայտօրեն»⁴² (ընդգծումները մերն են—Ռ. Ս.)։ Բըլլըրը, նույնպես ընդունելով կառավարության կապը պանթուրքիստների հետ, փորձում է «մեղմացնել» թուրքիայի կառավարող շրջանների զավթողական մտադրությունները սովետական տերիտորիաների նկատմամբ։ Կեղծելով իրականությունը, նա հայտարարում է, որ Լեթե հաշվի առնել Ռուսաստանի «ճնշված թուրքերի» (!) հանդեպ թուրքիայում տածվող համակրանքը և Սովետական Միության վերահաս պարտությունը, որն այնքան մոտ էր թվում, թուրքական կառավարու-թյանը չի կարելի մեղադրել այն բանում, որ նա որոշ պատրաստություններ էր տեսնում՝ Ռուսաստանին սահմանամերձ թուրքական պրովինցիաների «ապա-գայի խնդրում ձայն ունենալու համար»⁴³։

Այսպիսով, երկրորդ համաշխարհային պատերազմում թուրքիայի «շեղո-րությունն» արդարացնելու առիթով թուրք պատմաբաններն ակամայից վեր են հանում ՍՍՌՄ-ի նկատմամբ թուրքիայի կառավարող շրջանների ագրեսիվ պլանները, մի փաստ, որն ինքնին մերկացնում է թուրքիայի, այսպես կոչված, «շեղությունը»։

Հրապարակված գաղտնի փաստաթղթերը վկայում են այն մասին, որ ֆաշիստական Գերմանիայի ուխտադրուժ հարձակումից անմիջապես հետո թուրքական կառավարությունը քննարկում էր ՍՍՌՄ-ի տերիտորիաները հա-փըշտակելու հարցը։ Արդեն 1941 թ. օգոստոսի 5-ին Բեռլին ուղարկած հա-տույլ հաղորդագրության մեջ Պապենը տեղեկացնում էր, որ «թուրքական կա-ռավարող շրջանները սկսել են ավելի շատ զբաղվել ռուս-թուրքական սահ-մանից այն կողմը գտնվող իրենց հայրենակիցների ճակատադրով։ Այս շրջ-ջաններում հակված են վերադառնալու 1918 թ. դեպքերին և ջանկարում են իրենց միացնել այդ մարզը և հատկապես մեծ արժեք ներկայացնող Բաքվի

³⁹ Charles Warren Hostler, p. 180.

⁴⁰ Նույն տեղում, էջ 177.

⁴¹ Kemal Karpat, p. 265.

⁴² Նույն տեղում, էջ 267.

⁴³ Altemur Kilit, p. 112.

նավթահանքերը»⁴⁴։ Վերը հիշատակված Ալթեմուր Քըլըջը իր գրքում նոր հետաքրքիր փաստեր է բերում Թուրքիայի կառավարող շրջանների պանթուրքիստական գործունեության մասին. «Ըստ համաձայնվածության,—գրում է Քըլըջը,—նորից տեղի ունեցան Սարաջոզլուի ու Մենեմենչիօզլուի զրույցները ֆոն Պապենի հետ՝ Ղրիմի և Կովկասի մարզերը կառավարելու պլանների մանրամասնությունների շուրջը»⁴⁵։ Հեղինակը ակամայից բացահայտում է նաև թուրք-գերմանական հակասությունները վերոհիշյալ սովետական տերիտորիաների «ապագա կառավարման» հարցում։ «1943 թ. վերջից,—շարունակում է Քըլըջը,—պանթուրանիզմի կողմնակիցների մեջ հիասթափությունը մեծացավ. միանգամայն պարզ էր դառնում,—եզրակացնում է հեղինակը,—որ թուրք-գերմանական համագործակցությունը սովետա-թուրքական մարզերում գերմանական օկուպացիայի պայմաններում բոլորովին անհնարին է։ Գերմանացիները, շնայած ֆոն Պապենի ակնարկումներին ու թուրքական ղեկավարների հետ ունեցած զրույցներին և շնայած ոչ-պաշտոնական պանթուրանիստական խմբերի գործունեությանը, որոշել էին գրաված մարզերը կառավարել անձամբ, առանց որևէ կողմնակի միջամտության»⁴⁶։

Կոպիտ կերպով խախտելով իր հայտարարած շեղությունը, Թուրքիան ոչ միայն բազմակողմանի օգնություն է ցույց տվել ֆաշիստական «առանցքի» երկրներին, այսինքն պատերազմող կողմերից մեկին, այն մոմենտին, երբ նրանք ժամանակավոր հաղթանակներ էին տանում, այլև ջանքեր է գործադրել Գերմանիայի վերջնական ջախջախումն ու անվերապահ կապիտուլյացիան կանխելու համար։ Այսպես, 1943 թ. հունվարի 30—31-ին կայացած Ադանայի կոնֆերանսի ժամանակ, որտեղ Անգլիայի պրեմիեր մինիստր Չերչիլը հանդիպում ունեցավ Թուրքիայի պրեզիդենտի հետ, վերջինս առաջարկել էր անհապաղ համաձայնության հասնել Գերմանիայի հետ և այդպիսով, թույլ չտալ, որ նա լիակատար պարտություն կրի։

«Ինոնուլն փորձեց Չերչիլին ներշնչել պատերազմն անմիջապես վախճանի բերելու անհրաժեշտությունը»—գրում է Քըլըջը։ Ձանալով քողարկել Թուրքիայի կառավարող շրջանների անհանգստությունն ու դժգոհությունը Ստալինգրադի տակ գերմանացիների կրած ծանր պարտությունից, հեղինակը Թուրքիայի նման դիրքորոշումը փորձում է կապել ՍՍՌՄ-ի ուժեղացման հետևանքով իբր ապագայում նրան սպառնացող վտանգի հետ. «Գերմանիայի լրիվ, անվերապահ պարտությունը,—բացատրում է իր միտքը Քըլըջը,—Ռուսաստանին հնարավորություն կտար լուրջ վտանգ դառնալու Թուրքիայի ու Եվրոպայի համար... Սակայն որպես միջնորդ հանդես գալու նրա (Ինոնուլի—Ռ. Ս.) առաջարկությունը մերժվեց։ Չերչիլը պնդում էր, որ ինքը հոռետես չէ Ռուսաստանի մտադրությունների նկատմամբ»⁴⁷։

Թուրք հեղինակի մեջ բերած այս ուշագրավ փաստը երկրորդ համաշխարհային պատերազմի տարիներին Թուրքիայի կառավարող շրջանների վարած ռեակցիոն քաղաքականության մի նոր ապացույց է։ Այն ժամանակ, երբ ամբողջ աշխարհի առաջավոր մարդկությունը կենաց ու մահվան պայքար էր մղում

⁴⁴ «Документы министерства иностранных дел Германии», вып. 2, стр. 34.

⁴⁵ Altınur Kilit, p. 95.

⁴⁶ Նույն տեղում, էջ 96։

⁴⁷ Նույն տեղում, էջ 101։

Ֆաշիստական բարբարոսների դեմ, Թուրքիան իր խայտառակ քաղաքականությունից փորձում էր օգնել ֆաշիզմի պաշտպանմանը, կանխել նրա լիակատար պարտությունը:

Այսպիսով, երկրորդ համաշխարհային պատերազմի տարիներին Թուրքիայի գրաված դիրքին, նրա վարած քաղաքականությունը վերաբերող փաստաթղթերը, այդ թվում և իրենց թուրք հեղինակների աշխատություններում բերված փաստերը, համոզիչ կերպով մերկացնում են ժամանակակից թուրք պատմագրության մեջ տիրապետող այն կեղծիքը, թե իբր Թուրքիան երկրորդ համաշխարհային պատերազմի ամբողջ ժամանակաշրջանում վարել է չեզոքության քաղաքականություն և այդ քաղաքականությամբ անգամ աջակցել հակաֆաշիստական ուժերի և առաջին հերթին Սովետական Միության շնորհիվ ձեռք բերված համաշխարհային-պատմական հաղթանակին:

Р. Г. Саакян

Фальсификация советско-турецких отношений в период второй мировой войны в современной турецкой историографии

(Р е з ю м е)

В изданной в послевоенные годы в Турции, а также в США исторической и мемуарной литературе, в учебниках по истории республиканской Турции большое место уделено советско-турецким взаимоотношениям 1939—1945 годов. Турецкие авторы—историки, политические и военные деятели и журналисты крайне тенденциозно освещают советско-турецкие переговоры в Москве в 1939 г., обвиняют Советский Союз в их неудаче. Грубо искажая факты, они утверждают, что якобы Турция за весь период второй мировой войны по отношению к Советскому Союзу вела лояльную, искреннюю политику и строго придерживалась к своим договорным обязательствам. По их мнению, «абсолютно корректная», «нейтральная» позиция Турции сыграла существенную роль в деле победы Советского Союза в Великой Отечественной войне. Турецкие авторы в своих работах договариваются до того, что считают Турцию «косвенной союзницей России».

На основе опубликованных документов, а также откровенных признаний иностранных в т. ч. отдельных турецких авторов в статье раскрывается и разоблачается господствующая в современной турецкой историографии антинаучная, до конца лживая оценка внешней политики турецких правящих кругов в период второй мировой войны.